



Mješoviti klub poslanika SBB – PDA

Broj:
Sarajevo: 01.02.2019.godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r gđa. Borjana Krišto, predsjedavajuća

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 01-02-2019			
Organizaciona jedinica	Klasifikaciona oznaka	Nadni broj	Broj priloga
01	50-1	268	119

Na osnovu člana 170(1) Poslovnika Predstavničkog doma Parlamentarne skupštine BiH, u prilogu Vam dostavljam

POSLANIČKU INICIJATIVU

ZA

OPĆINSKO VIJEĆE CENTAR, SARAJEVO

te molim da u skladu sa članom 170.(2) istu proslijedite kako je navedeno.

Napominjem da inicijativu podnosim na osnovu člana 170. (1) Poslovnika, a ne člana 8. Poslovnika, te tražim da se se ista proslijedi „onome kome je upućena“ (član 170.(2) Poslovnika), a ne da se ista razmatra u PD PS BiH, a uzimajući u obzir jasne nadležnosti po ovom konkretnom pitanju.

S poštovanjem,

Prilog: Kao u tekstu, 4 stranice.



Mješoviti klub poslanika SBB – PDA

Broj:
Sarajevo: 01.02.2019.godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA CENTAR
OPĆINSKO VIJEĆE

n/r gđa. Karolina Karačić, predsjedavajuća
n/r g. Mustafa Mulić, dopredsjedavajući
n/r g. Sulejman Haljevac, dopredsjedavajući

Poštovani,

Na osnovu člana 170. Poslovnika Predstavničkog doma, podnosim

**POSLANIČKU INICIJATIVU ZA
OPĆINSKO VIJEĆE CENTAR, SARAJEVO**

Da se po **Jeleni Vitas** nazove park koji se nalazi preko puta Bosanskog kulturnog centra, na uglu ulica Čemaluša i Branilaca Sarajeva, na području Općine Centar, Sarajevo.

Obrazloženje:

Istorijska uloga Jelene Vitas:

Jelena Vitas rođena je 1919. godine u Sarajevu. Od početka okupacije u Drugom svjetskom ratu bila je aktivna u Narodnooslobodilačkom pokretu u Sarajevu. Zbog antifašističkih aktivnosti u decembru 1942. godine uhapsile su je ustaške okupacijske vlasti, koje su je do sredine 1943. godine mučili i ispitivali u sjedištu Ustaške nadzorne službe (UNS) u Sarajevu. I pored najstrašnijih tortura kojima je bila podvrgnuta, nije odala ostale članove NOP-a. Prebačena je u logor Stara Gradiška/Jasenovac, gdje je pogubljena krajem 1944.



godine. Iz logora se posljednji put javila 10. oktobra 1944. godine, pismom ispisanim na poledini fotografije, koje je danas dostupno u Spomen području Jasenovac (<http://www.jusp-jasenovac.hr/Default.aspx?sid=5555>).

Raniji nazivi po Jeleni Vitas:

Zbog njenih zasluga u Narodnooslobodilačkom pokretu i antifašističkoj borbi, po Jeleni Vitas su bili nazvani vrtić u tadašnjoj ulici Augusta Cesareca (danas La Benevolencija), kao i ulica u kojoj je bila njena porodična kuća. Zgrada u kojoj je bio taj vrtić danas se koristi kao sjedište JU Djeca Sarajeva, dok ulica danas nosi naziv iz vremena kada je Jelena Vitas živjela u njoj, Tahtali sokak.

Razlozi za razmatranje i usvajanje inicijative u ovom trenutku:

Ove godine navršava se 100 godina od rođenja Jelene Vitas, koja je rođena 5. decembra 1919. godine u Sarajevu (*vidjeti* Đačku knjižicu Jelene Vitas, dostupno u Muzeju Grada Sarajeva).

Razlozi za predlaganje konkretne lokacije:

Sjedište Ustaške narodne službe gdje je Jelena Vitas bila zatočena, mučena i isljeđivana, te odakle je prebačena u koncentracioni logor Jasenovac, nalazilo se u ulici Čemaluša u zgradi na uglu koja direktno gleda na spomenuti park. Jelena Vitas je bila zatočena u podrumskim i tavanskim prostorijama, kao i drugi zatočenici, a isljeđivana je u prostorijama na gornjim spratovima, odakle se pruža pogled na taj park (*vidjeti* Džavid Husić i Radivoje Papić, Vjetrovite zore, poglavlje „Kuća užasa“, koje poglavlje je kompletno posvećeno Jeleni Vitas i koje detaljno opisuje torture koje je ona pretrpjela u navedenoj zgradi).

Također, navedeni park nema naziv, te ne postoji potreba za mijenjanje bilo kakve dokumentacije, niti može doći do kontroverzi koje se mogu pojaviti kod brisanja jednog i uvođenja drugog naziva.

Dodatne činjenice:

Komisija za obilježavanje, čuvanje i njegovanje historijskih događaja i ličnosti Skupštine Kantona Sarajeva podržala je prošle godine moju opću Inicijativu da se po Jeleni Vitas nazove prikladan prostor na području Kantona Sarajevo (u prilogu), koju sam uputio u sklopu priprema za provođenje kompletne procedure koja bi koincidirala sa stogodišnjicom rođenja Jelene Vitas. Konkretan prijedlog za prostor i pokretanje kompletne procedure su također u skladu sa Zaključkom navedene komisije.



Mješoviti klub poslanika SBB – PDA

Dodatni izvori:

O Jeleni Vitas, njenoj herojskoj ulozi u NOP-u, torturama, te smaknuću od strane ustaškog režima postoje brojni zapisi i svjedočenja, prije svega: U Muzeju grada Sarajeva (kontakt osoba Igor Radovanović, kustos), Spomen području Jasenovac (kontakt Đorđe Mihovilović, kustos), navedenoj knjizi Džavida Husića i Radivoja Papića, zbirci knjiga Sarajevo u Revoluciji (Nisim Albahari *et. al.*), te na brojnim internetskim stranicama.

Navedenu inicijativu će u zvaničnu proceduru u Općinskom vijeću Centar uputiti ovlašteni predlagač, dopredsjedavajući i vijećnik u Općinskom vijeću Centar, g. Sulejman Haljevac. Zahvaljujem se na podršci, te ostajem na daljem raspolaganju po ovom pitanju.

S poštovanjem,

Damir Arnaut

Poslanik u Predstavničkom domu
Parlamentarne skupštine Bosne i Hercegovine

Prilog Kao u tekstu, 1 stranica



Komisija za obilježavanje, čuvanje i
njegovanje historijskih događaja i ličnosti

Broj: 01-05-13805-2/18
Sarajevo, 21.03.2018. godine

PARLAMENTARNA SKUPŠTINA
BOSNE I HERCEGOVINE
Zastupnički dom

Gđa. Borjana Krišto, predsjedateljica
Sarajevo

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO.	17-04-2018		
Organizaciona jedinica	Klasifikaciona oznaka	Redni broj	Broj priloga
01-	50-1-	375/18	

Poštovana,


Na sjednici održanoj dana 21.03.2018 godine, Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo, razmatrala je inicijativu zastupnika Damira Arnauta da se po Jeleni Vitas nazove vrtić, škola ili neka druga institucija od kulturnog ili drugog posebnog društvenog značaja u Kantonu Sarajevo, ili neka ulica, trg, park ili sličan prostor na području Grada Sarajeva.

Nakon diskusije, Komisija je jednoglasno donijela slijedeći

ZAKLJUČAK

Članovi Komisije za obilježavanje, čuvanje i njegovanje historijskih događaja i ličnosti Skupštine Kantona Sarajevo iskreno Vam se zahvaljuju na dostavljenoj Inicijativi koja će biti od velike pomoći u radu Komisije. Komisija će navedenu Inicijativu imati u vidu prilikom dodjeljivanja naziva ulicama, mostovima ili trgovima. Također, ukoliko imate konkretan prijedlog za davanje naziva vrtiću, školi ili nekoj druga institucija od kulturnog ili drugog posebnog društvenog značaja u Kantonu Sarajevo, ili nekoj ulici, trgu, parku ili sličanom prostoru na području Grada Sarajeva, isti dostavite Komisiji uz predočenu kompletnu provedenu proceduru.

S poštovanjem,



PREDSJEDAVAJUĆI KOMISIJE
Nermin Bjelak

Nermin Bjelak



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

